



6 de setembro de 2006. O Parlamento Galego ven de aprobar, coa unanimidade dos tres grupos, unha proposición non de Lei do BNG que declara Galiza como

TERRITORIO DESNUCLEARIZADO

. Isto implica que no noso país

non se poderán construír centrais nucleares

, nin

cemiterios de refugallos

—eufemisticamente chamados

Almacéns Temporais Centralizados

-, así como

impedir o paso

polo noso mar e aire de naves con

refugallos

ou

armamento nuclear

. Instase tamén ao goberno central a abandonar o uso da enerxía nuclear e a apostar por fontes alternativas.

Esta decisión do Parlamento resposta ao anxeio da cidadanía galega que, dende o ano **1973** coa loita contra a instalación da

Central Nuclear de Xove

e coas grandes mobilizacións dos anos

1981 e 1982

contra os

vertidos radioactivos na foxa atlántica

, expresou claramente a súa vontade de rexeitar no noso país calquera tipo de instalación derivada do uso da enerxía nuclear.

ADEGA congratúlase desta decisión, agardando que o goberno do estado, ao fío tamén do expresado polo seu Presidente, manteña por unha banda o seu compromiso de

non construír máis centrais nucleares

e, por outra, respecte a decisión unánime do máximo órgano da soberanía popular de Galiza.

Neste senso, ADEGA vixiará porque esta declaración non quede valeira de contido nen sexa desouvida atendendo a “intereses xerais” alleos á cidadanía e ao medio ambiente de Galiza.

ADEGA quiere lembrar finalmente que hai

alternativas á enerxía nuclear

e que os fondos públicos consumidos na construción de centrais e na xestión dos seus refugалlos son moito máis rendíbeis investidos no

aforro e a eficiencia

enerxética, a promoción e a investigación en fontes de

enerxía renovábeis

.